


Der Medwescher **TRAMTER**

Det Saksesch Blied der Medwescher Himetgeminschuft

Nr. 28 äm 15. Johr

Bäluéch zem „Mediascher Infoblatt“

Nürnberg, äm Juli 2019



20 Jahr Himetgeminschuft

Alle Zichnungen äm Blied
se vum Untch Wolfgang



Wer wiß wat nechsten Ugebläck
Geschüessene os dem Schäcksol kit;
Bästtea dron noch eos enem Stäck?
Noch friuh oder schiu gänz bekrit?
Krech dir afist de Sann ewech
än't Deankel, wo tea näst mih segst?
Verstächt sä sich do hajnderm Rêch,
äm dech zeär jernuch als nechst,
mät ärem fänkelänem Strohl
dir de Verständ ze pehlen
un enen halw verfallten Pohl?
Widdhië dir dron villicht doch fehlen?
Ach wo! Loss norr getriust en hehn!
Ohne seng bled Erängezwéfel
kåst tea deng Drim doch biesser fehn!

Günther Schuster 2019

Det Buëdzimmer - fräer uch hegð

Hans Otto Tittes

Uch wonn em fräer mih geschwißt wä hegð,
beseangders af dem Dorf de Legd,
keagnd duschen, eoßerm Rén, em net.
Für t Wiésche wör uch wennich Zegd,
wel fräh des Morjest hatt em Mäh,
bäs em gefittert Schweng uch Käh.

Em schluddert sich nor äm Gesicht,
datt aldemöl dât word nor ficht;
ämdât wör Wiéschen deamols net
esi bekånt bäm Vulk wä hegð.

En Wiëschässel, schär änjos Bléch
(wä wonn ech hegð se viur mer sëch),
wör dât, eos wat em wosch sich frähr,
und Sief hält em uch zemlich färr
uch sonst hygiëneschet Gestink,
det Wasser, eos dem Kreach mät Hink,
dât wör det Wichtichst dea bäm Wiéschen
(uch aldemöl en Bränd ze liëschen).

Um Öwend, wonn't derteoß geat hieß,
wosch em äm Brannentreoch de Schwieß
sich üew, und groalt net, sälwst wo gruëd
em eos dem Branne schäpt en Kruëd,
und dâ drô platschelt uch äm Tröch;
em wör mäd vun des Dâges Plöch.

De Buëdwann, falls em in besäß,
word norr u Feiertajen nass,
wel für wuërm Wasser breocht em Fêer
und Hulz derfir wör zemlich dêer.

Vun em WC wasst em uch näst,
em fricht et hainjden dea bäm Mäst;

miest heng äm Schämpes für dernö
der „Neue Weg“ odder „Drum Nou“.

Und sätzen, såß em dô net lång:
Um Owend wör et ennem bång,
äm Wäinjter, wonn der Crivat bless,
wor,t Sätzen do e klenner Stress,
wel jeder wasst, die droinjt durcht Fiël,
und Hainjdern, dä gefriure schniël.

Het segt dât awver åndersch eos:
E Buëd äs än em jeden Heos
mät flesse Wasser, würem, kålt,
und sil det Heos se mér wä ålt.

Statt Schässel äs en Muschel, wö
net gleich vun Ufäng se schiun zwö,
datt Mân uch Frä, mér uch zeglech,
hu' separate Wiëschberech,
und Späjjel se' belicht, zem Linken,
wat wichtij äs zemöl bäm Schminken.

Tja, Schminken, dât äs halt dä Sach,
bä diér de Männer sön norr: „Ach!“
Wat eangderm Späjjel stöhñ u Fliëschker,
uch Salwen, Pänsel, Pudertäschker,
Pinzetten, Extra-Späjjel, dä
de Fâlden ziejen, datt em sä
zeakliestert schniël mät er Schmiraj,
datt gläd wid uch en ålt Visaj.

Und norr en puér vun all dië' villen
wäll ich ech hä nöch schniël afziöhlen:
En wevel Läppestäft, Lipliner
mät Extragräff vun em Designer,

Mascara, uch Kajal gänz Black
und nöch derzea en Beauty Bag.

Sälwst Männer, dä benätsen hegð
uch Cremen, Fliëschker, wat bedegd,
dat de Kosmetik sä huët bruëcht
duér, wuér em näkest häd geduëcht:

Nö dem Rasiere schmier' se sich
nöch „After Shave“ än det Gesicht,
sälwst wonn et brät, måcht em dât hä,
wel biëßer recht em uch der Frä
(wobä, dat 't irscht Möl em dât hirt,
det „After“ - schiun e bitzke stirt).

Munch enne git et, hießt et, die
äs iwwer Spray uch Deos frih:
E wiësch sich kom, öw't kålt, öw't hieß,
und eangderm Årm däkt za de Schwieß
mät „Tabac“ odder mät „For Men“
und schwupps, recht hië nō Gentleman.

En Buëdwann uch en Duschkabin
äs Standard hegð, wel dât äs „in“;
wonn net gladd extra, ucht WC
gehiert änt Buëd samt em Bidet,
wel hegð „Rundum-Hygiene“ hießt,
datt uch der Eospuff feankelt mïst.

Wonn em sich dett nea hä besegd,
kân em sich viurställ'n wevel Zegd
der Mängsch äm Buëd load odder stiht.
Wat kertscher hie zer Arbet giht,
für wat gestreikt, gekämpft hië huët,
dä Zet verbroinjt hië mih äm Buëd;
derviur en Wulk drô nō sich zecht,
dä ainjem nō Patschulli recht!

Der Bäffelfurz 1

Gerhard Wonner

Wä ir wässt, ir schatzich Legd,
än diér geaden, älden Zegd,
wör än Medwesch allent hiesch!
Än der Flieschbonk gâf et Flesch
Und wult tea derhem et bröden,
keangd em dir nor derzea röden:
biur äm Guérten der en Löch
und stäch ännene Schleoch,
die bâs än de Kuchel giht,
wô de Fonn mât Fatt schiu stiht.
Stäch den Schleoch än den Reschô
Und mâch der Chateaubriô.
Dât wör wärlech net ämständlich,
bealich und uch ämwältfrängdlich,
dânn wat ereoskåm eos dem Löch,
wör än easier geaden Spröch:
en Bäffelfurz.
Der Chemiker schréwt kurz:
CH₄; mer hun't zedean
mât em Gas, dât hießt Methan!

Der Medwescher, die wör bekritt:
„Esi en Bäffelfurz die kit
Net än meng Kuchel, än meng Heos!“
Derfirur wör'n ånderen draf eos!
Mehr sä uch hadde spasich Spröchen,
sä wulen ganz åndert kochen:é
Email uch Gluës und än der Summ,
bâs zeliëzt „negru de fum“:
der Russ, die hat jô dä Idëe,
alles sul wârdens „weiß wie Schnee“!
nor wâ sôt em et af Lateng:
„nömen est ömen“ åldet Schweng!

Und sä biurten affen uëwen
Un der Keakel jêden Gruëwen,
jêd Rech, jêd Fiëld und uch jêd Kell
vu Bluësenderf bâs kën Blajel.
Wat eos den Kiepen kåm ereos
Luëcht sich drön iwver jêd Heos,
jêden Bum uch jêden Häffel,
bâs sä schwarz wor'n wâ de Bäffel!
Et fröcht sich nea, wat wér passiert,
häw em nor Bäffel ungebiurt?
Nor em mess nôch sôn derzea,
mehr jêd Bäffel, Schöf uch Keäh
produziert dervun geneach,
doch et flecht mât liesem Krach
und erzecht drön eagefêhr

Der Bäffelfurz 2

Gerhard Wonner

Bekânt wör Medwesch äm de Weng,
villecht uch äm det Bâßner Schweng,
grius word et mât der Energie
fiur de wârdân Industrie!
Dä fând em än der Motter lerd,
und sä wör vill Kretzer wiërt!

Äm dât less em lastich biuren
Dât bruëcht Kretzer, mie wâ Kiuren,
Krumpirn oder Kuckurutz,
nor äm desen Bäffelfurz.
Wâ Burezen sach em drön,
iwerâl de Sonden stön.



Ir Frotzen, kennt er nor häi spinnen? ... wo äs der klin Untch?

de Wärm än easier Atmosfär.
Em mißt ämdât u jeden Toppert
vun diëm Vâh, wonn et net zoppert,
enen Trichter mât em Schleoch
bâs zem Tank ängder dem Beoch
installieren, doch det Egger
äs äm Wiëch und ängden wedder
mess em läddijen den Tank!
Niche Mealch uch vil Gestonk!

Nemest hat et dea gekämmert,
wâ se biurten än dem Schämmert
Bâs drô foljendet passiert:
Esi en Sond wör explodiert!
Und dât wör passiert esí,
dânn det Gas hat vill Atü.

Cha, dât wör, wâ sâl em sôn,
bâld en sihr grius Attraktion!
Dânn de Flomm dâ schuss erreos,
wör vill gresser wâ en Heos,
wat sôn ech, ôf Ren, ôf Sturm,
hiu wâ der Tramiterturm!
Em sach se vun der hiuën Rânn,
vum Bulea, uch schär eos Busteni.
De Lekt dâ kåmen und de miesten

Gottsdonk macht em dât net,
dânn dea word em zem Gespët,
wonn em diér Ideen hat!
Wâ Raketen akkurat
affeschessen bâs zem Mön,
dât keängt nichermie verstön!

Dete wör, gesôt gânz kurz
De irscht Geschicht vum Bäffelfurz.

woren ifach „Gastturisten“.
Der Kartmann Dan, die vun der Traube,
stâlt duér glech en schädich Laube
mât em ägebaten Schattert
glech af dem Priustifer Hattert.
Dô verkuft hie Bär uch Weng,
uch geat Wirschtel vun dem Schweng,
Hulzflesch und uch Mititei,
„fudulie“, dâ mât „mujdei“.
Dä keängt jeder, die duér kåm,
Sich sealwest perjeln un der Flomm.
Dât wör wärlech sihr romantesch
Und de Foljen wören praktesch!
Dânn vun deser griußen Flomm,
em noch mie geschinkt bekâm.

En kernich Jäjer geng verbä
öf än der Nuëcht oder sihr fräh,
dänn de brääen Sondenflomm
ziecht em wä e hiemenkåm.
Norrist kåm äm awer glatt,
dat hie noch näst giëßen hat.
Vun der Schulder nám hië glech,
Seng geat Biss und schuss af't Rech,
dänn wat ängden wör dertaff,
äst word tröfen und dât scharf,
öf en Int uch en Waldschweng?
Mehr wäh, et wird schiun feng
drön geperjelt uch gebröden,
än der Flomm erämgeröden,
fäl et äm gruet firur de Fess.

Det wätzich Äk

Eos der Schiul

Der Hanzi wor än der gänzen Schiul derfiur bekänt, dât hië ald pustich Sachen riëd. Ennes Dâjes wüll de Lihrerän Numen vun sihr wâlden Gedären wässen, mät der Begraingdung, waräm sä esi wâld sen. Alle Fänger schussen än de Laft und det Ziri sôt uch hiesch: „Der Wolf ist ein wildes Tier, weil er andere Tiere frisst!“ Drön kåmen noch det Trengi, der Mischi uch der Pitz und söden det gleich iwer de Biëren,

Hië breocht nor det passänn Dressing noch derzea,
drön kängt hië än aller Reah,
seng Möhlzegzt niën und für den Rest,
ducht hië sech, et wér det biést,
äm nächsten Letcheff änzekihren,
äm mät Legden ze studieren
dâ Spröch, dâ Jäjer nor ze geat
kennen, wo sä glât
nô zwien Spritzern oder neng
erzielen fun diëm walde Schweng,
dât än längst häw massakriert,
wonn hië net schniel reagiert!
Än der Biss nichon Patrôn,
gluwt hië sich verliuren schiun,

Liewen uch Tiger. Drön wör nor noch der Fainger vum Hanzi ze sähn. Hië turft afstöhnd und sôt: „Das Gnume ist ein wildes Tier...“, doch wegter kåm e net, dänn de Lihrerän heß en nedersätzen, well e wedder pustich riëd. Der Nöber vum Hanzi, der Rudi, wül dât awer genä wässen und esi erklert eas Hanzi: „Det Gnume äs en Gedär, dât hut fiuren uch haingden en Hift und än der Mätend ennen Hâls.“ Pesperän wederhiult der Rudi ängde wedder, wat der Hanzi grued gesôt hat und iwerlüecht. Drön sôt hië: „Wonn dât esi äs, fiuren uch haingden en Hift und än der

zuch det Miëßer eos dem Jäp,
lef nô fiuren, net zeräck,
und verpasst dem Schoaßelt gleich
ene Stäch, grued än't Gemäch!
Wä hië würt wat wedd geschähn,
dreht sich schiun eräm de Kräm
mät däcken Zehren, grius wä Biunen
bât sä än, e sihl se schiunen!
Dä Uspröch kân hië net vergiessen
und mess ämdât äm Letcheff iëßen

De Jägerspröch geät ze kapieren,
kân än Medwesch net jenieren,
dänn em hat jô deä uch noch
dâ geat Fleusemâcher-Spröch.

Mätend ennen Hâls, dro kân jo dât Gedär
nor friëßen uch net fluren!“ Der Rudi ref erleichtert: „Genä! Ämdât äs et jô esi wâld!“

Eos der Capitalä

ZemNoajörsempfangvum Staatspräsidenten wören net nor de Diplomaten seangdern uch de Rejärung ägeladen. Norrist kit der änglesch Bötschafter, der Sir ïderjennes, afgerecht zer Ministerpräsidentän. Hië klöt er, dât seng gealdän Uhr verschweangden wér und versäichert uch, dat hië nor mät dem Härren Ännenminister geriet häw. De geat Frä bereacht en und bât en, dem Präsidenten jô näst ze söhn, de Sach werd gleich diskret erlädicht.

Nô e puer Minuten kåm sä zeräck und schiebt em de Uhr än't Jäpp. Hië bedankt sich, drön kåm et em, of dât für den Härrn Minister net sihr penglich gewiest wér? Ganz erstaunt ånfert sä: „Wäsi?! Die huet jô näst gemärkt!“

Handy

„Nöber Marz, tea Trellesch, mäch hemlijer mät dengem Trenji! Tea wâkst noch den gänzen Block aff!“ „Tea bâst hä der Trellesch, Nöber Misch! Ech bân guer net derhiem!“

En ealder Frä giht än de Zoohandlung, well sä en liwendich Gedähr kiefe weall, dat sä net esi elin äs. Sä segt en hieschen Papagoa und sôt: „Na tea blätzblämijer Viujel, kåst tea uch riëden?“ Der Papagoa nijt det Hift und fröcht: „Na tea äld Kroh, kåst tea uch fläjjien!“

Der Hanz uch det Helga sen äm Zoo und sähn sich vil Gedärer un. Bä de Schwengen sä se läng duër. Dä winzle sich alle gemäichlich än der Muër. Det Helga fröcht den Hanz mät spätzer Zeang: „Sen dât deng Uverwändten, me Geang?“ Der Hanz lechelt uch sôt: „Nor niche Negt, dâ zwië dô äm Porrel se meng Schwijjerlegt!“

Zwien Geangen gohn gelångwelt af der Gass eräm. Plötzlich bâckt sich ener und hiëft en Portemonee af, segt ännen, alles Giëldschanger! Der änder Geang sekt em iwer de Schulder und sôt: „Wau! En Hufen Giëld!“ Der irscht Geang schmëßt det Portemonee weder ewêch. Der zwiët sôt: „Bäst tea affich, do wör vill Giëld dertän! „Alles Fâlschgiëld!“ „Wäsi? „Hust tea schiun en Foafzijer mät zwien Nullen gesähn?“

Sôt en Frä zeä ärem Mân: „Wonn ech stärwen, gîhst tea mät er ändern än't Bât?“ „Äm dât messt tea net stärwen“, sôt hië.

Ägescheackt vum Dieter Heitz



Mer drâinken of denen geaden Wenj...!

IMPRESSUM:

Der MEDWESCHER TRAMITER verstüdt sich als e Bließ zer Verbriedung vun Froad uch Spaß än easer sakseschen Mottterspröch!

Ereosbröijer: Himatgemischtu Medwesch e.V.; **Der irscht Chef:** Gökeler Alfred (Freddy), Balingen

De Stealvertriéder: Buresch Horst (Mick), München; Rill Ortwin, Recklinghausen

Redaktionskollegium Medwescher Tramiter: Schuster Günther, Nürnberg (verântwertlich) Sankt-Gallen-Ring 198, D-90431 Nürnberg, e-Mail: hg-mediasch@kabelmail.de; Dr. Drotloff Hansotto, Alzenau; Römer Wilfried, Augsburg;

Untch Wolfgang, Talheim

Layout: Untch Wolfgang, Talheim; Schiller Verlag, Herrmannstadt; **Mätarbeder & Logistik:** Buresch Klaus, München
Erschengd än: Nârembrich (Nürnberg); **Wâ oft?**: Iest odder zwiémol än Jöhr als Bâluéch zem Mediascher Infoblatt (awer nor wo genaech Legd, geneach Bâdräch äschâcken).

Dreack: Alföldi, Debrecen

Schräftlich Bâdräch bjête un de Redaktion schäcken. Numentlich odder mät em Signum gezichnet Bâdräch steallen die Minung der Verfasser duér und messen net mät diér des Ereosbröijers iwerinstämmen.

Det Bließ äs ämsonst, awer mer wedden es froan wo Sâas mehrn ewenich eangerstättet, et mess net eabedainjd Giëld sen, awer vill Bâdräch. Öf des nea sealwest geschiwe sen odder irest feangden, äs allesint.

Bankverbaindung: Sparkasse Fürstenfeldbruck, Konto: 13 04 393, BLZ: 700 530 70,
IBAN: DE81 7005 3070 0001 3043 93, SWIFT-BIC: BYLADEM 1FFB

